

Balu, 4j.



suchet es nöiis Daheime mit Freigang

Liebi Tierfründe

Lueget einisch, bin ig nit e ganz en Hübsche? Lackschwarz! Macht schlank! Ig bi dr Balu u uf dr Suechi nach eme nöiie Daheime. Warum? Ig ha es guets Daheime, abr d'Nachbare fütterere mi immr ah u drum chumm ig chuun no hei. Ou wiu bi mir daheime oft aui wäg sy. Ig wohne mau hie mau da. Das isch nid guet, wiu niemr wott d'Verantwortig überneh für mi. U niemr het dr Übrblick, was ig wenn wo tue fuettere. D'Nachbare seh's eifach nid ii u fuettere wietr. Itze sött ig a es Plätzli mit «vernünftige» Nachbare. Drum!

Ig bi 4jährig, kaschtriert, chippet, teschtet u schtuberein. Ig war scho es Wiili nüm bim Doc, wiu ig zum Termin nid heichoh bi, ha abr itze e Termin zum Impfe u zum Check. U ig bi grad daheime u darf nüm usse bis zum Termin. Itze chlappets! Ig bi es ächts Freigeischtli u muess usse, dusse isch es so schpannend. Abr ig chumme ou gärn hei zu mine Lüüt, we sy denn ou daheime sy. Drum suech ig am beschte e Familie odr Lüüt, wo oft dihei sy, villiicht teilziit schaffe odr im Homeoffice. Gärn mit grösseri Ching so ab 10i u mit Nachbare, di wo mi nid aafuettere u mi schtattdesse wieder hei schicke tüend. Hung u Chatz wott ig übrigens liebr nid daheime. Ig bi en liebr aahängeleche u verschpiutr Chatr, der wo eifach sini Lüüt um sich umme wott ha. We niemer umme isch, denn mach ig mi uf dr Wäg, so eifach isch das.

Ig sueche liebi Lüüt, die wo mir Freigang ir verkehrsarne Umgäbig könnt biete, durchs Törli düre. E grosse gsicherete Garte wär ou öppis für mi. Weisch Du, dass schwarze Chatze Glück bringe? We nei, pass uff, ig bewies es Dir! Siit Dir e nätti Familie? Isch bi Dir oft öpper dihei, mit dem ig chönnt schpiue? U sy Dini Nachbare so vernünftig u fuettere frömdi Chatze nid aah? Ja? Das wär's. Denn chönnt das mis nöiie Daheime si, denn müeset mir üs unbedingt lehre chenne. Ig wohne im Moment no z'Muttenz/BL, züggle aber gärn zu Dir, wo ou immer Du wohsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig fröie mi ganz fescht uf Di!

Din Balu



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch